

那文毅公奏議

那文毅公二任陝甘總督奏議卷二十五目錄

卷二十五

綏靖終南

改建營制

籌餉營伍

訓練武備

那文毅公二任陝甘總督奏議卷二十五

男容安恭輯

綏靖終南

嘉慶十五年八月初十日

奏爲遵

旨酌派總兵照例巡哨事竊臣於本年六月准兵部咨行奉

上諭前因嘉慶七年勦辦邪匪大功告藏經額勒登保奏川楚陝三省深山老林路徑分歧酌議總兵會哨一次三年之後地方日臻寧謐卽行停止當經降旨以所議

會哨之例於三年後不必停止或隔一年一行或隔二年一行認真巡緝今已逾數年雖各營有巡閱舊章但恐視爲具文奉行故事嗣後川楚陝三省每年輪派一省著於邊界遍歷周查既可巡閱營伍又可藉資彈壓每巡哨一次卽行具奏該提鎮等惟當隨時隨地督率稽查不可有名無實欽此伏查陝省邊界在在與川楚毗連幅員遼闊率多深山老林人民襍處良莠不齊遵照前奉

諭旨本年應輪派陝省提鎮於邊界遍歷周查以資彈壓原擬提督楊遇春前往巡哨惟查本年鹽茶固原

一帶年歲荒歉提督駐劄固原正資就近彈壓未
宜遠赴邊界今歲擬派總兵官前往巡哨但陝安
漢中河州三鎮毗連川楚邊界道路綿長若專派
一鎮遍歷往返須半年之久恐於本鎮事宜轉有
曠悞臣現與提督楊遇春商酌分派陝安鎮總兵
官王兆夢漢中鎮總兵官吳廷剛河州鎮總兵官
富明阿各於所轄邊界地方認真巡哨一面分咨
川楚兩省邊界各營汛定期前來見面均於初
冬農隙之時分投前往約計月餘便可竣事仍嚴
飭該總兵等務須欽遵

諭旨隨時隨地督率稽查毋得視為具文奉行故事謹

奏奉

硃批知道了

嘉慶十五年十一月二十八日

奏為遵

旨派委各鎮總兵巡哨邊界現已事竣並地方靖謐情形

事竊查本年六月欽奉

諭旨嗣後川楚陝三省每年輪派一省提鎮於邊界遍歷

周查每巡哨一次卽行具奏欽此當經臣酌派陝安鎮

總兵王兆夢漢中鎮總兵吳廷剛河州鎮總兵富

明阿等各於所轄邊界認真巡哨一面分咨四川
兩湖督_臣各令邊界毘連之營汛定期前來巡哨
見面所有辦理緣由旋經

奏明在案查署陝安鎮總兵之副將王延年呈報於十
月十七日在於陝楚交界之蓮花寺地方與湖廣
提_臣駱朝貴巡哨見面漢中鎮吳廷剛呈報九月
二十九日在於川陝交界之漁渡壩地方與四川
川北鎮桂涵巡哨見面河州鎮富明阿呈報十月
二十日在於川甘交界之哈南寨馬尾墩地方與
四川松潘鎮福智巡哨見面並據吳廷剛富明阿

另報該鎮等於十月三十日在於陝甘交界之白馬關地方會合巡查並各據稟稱川楚陝沿邊一帶匪徒斂戢商旅安行地方均極安靜等情臣覆查川楚陝邊界惟漢中川北界連處所爲棧道門戶尤關緊要所在深山老林咽喉匪易於潛跡每當秋禾登場莊民收穫之後乘間偷竊甚或賭博搶場最爲地方之害臣先經督飭文武嚴密緝拏知會提臣楊遇春一體分派幹弁改裝易服遍歷巡查並示諭鄉民秋成後禁止賽會演戲責令牌保人等不許容留形迹可疑之人以杜奸宄而安良

善嗣准楊遇春札覆密查各邊界情形實爲安靜
與巡哨之各鎮呈報相同委無捏飾情事臣仍諄
諭各鎮隨時認真查緝勿以此次巡哨已竣稍有
疎懈外嗣後祇遵

諭旨每年川楚陝三省提鎮輪派一省於邊界巡哨一次
每年十月舉行本年卽以陝省爲始再查嘉慶十
一年奏停陝省會哨案內聲明每年十月固原提
督到陝巡查山內邊界一次每年二月陝安鎮總
兵巡查邊界官兵營汛一次是會哨雖停而提鎮
每年兩次仍舊舉行巡閱今欽遵

諭旨每年十月有各省提鎮赴邊巡查一次其每年二月
內臣仍令陝安漢中二鎮各於邊界照舊巡哨一
次以昭周密仰惟

聖主敕諭寰宇安益求安臣等責任綦重斷不敢虛應故

事上負

鴻慈再現在四川湖北二省邊界民情亦俱安靜謹

奏奉

硃批果能常川如此地方永臻安靜矣但恐久而懈怠仍
爲具文耳

嘉慶十六年十二月三十日

奏臣接閱邸抄欽奉

上諭川省無籍貧民攜帶小刀遊蕩肆竊自應從嚴懲治
着照該督所請分別枷號繫帶鐵杆年分辦理惟各州
縣獲犯懲辦每辦一案卽報明臬司總督彙冊報部限
滿開釋亦報部查辦欽此嗣准陝西撫臣董教增移咨

陝省亦經奏明照辦在案伏查甘省南路一帶昆
連川陝所在深山老林匪徒易於藏匿其無籍游
民攜帶刀械趕場賭博乘機絡竊甚至搶奪傷人
雖經嚴飭地方文武實力緝拏猶恐未盡斂戢今
川陝二省旣已酌定章程甘省地方情形相同自

應畫一辦理以臻嚴密臣隨飭署臬司嚴煇查議
得甘省鞏昌府屬之洮州廳岷州西和等廳州縣
秦州直隸州及所屬之秦安清水徽縣禮縣兩當
縣三岔州判等處階州直隸州及所屬之文縣成
縣白馬關州判等處嗣後遇有匪徒搶奪傷人之
案仍照定例遵辦外其有攜帶刀械緝竊者俱應
照川陝二省奏明之例一律嚴懲仍分別報部存
案庶幾奸宄潛消地方益臻靖謐並咨刑部謹

奏奉

硃批覽

嘉慶十六年十二月初一日

奏爲派委各鎮總兵巡哨邊界及地方靖謐情形事竊
照上年欽奉

上諭嗣後川楚陝三省每年輪派提鎮於邊界徧歷周查
每巡哨一次卽行具奏欽此當經遵辦在案茲於本年

秋間

臣

先經移咨鄰省派出各鎮總兵前赴邊界

分投巡哨現據漢中鎮總兵吳廷剛稟報九月三
十日在於川陝交界之漁渡壩與四川重慶鎮總
兵羅聲臯巡哨見面又據陝安鎮總兵祝廷彪稟
報十月初六日在於陝楚交界之蓮花寺與湖北

鄖陽鎮總兵呢瑪善巡哨見面又據署河州鎮總兵王延年稟報十月二十日在於川甘交界之哈南寨馬尾墩與四川松潘鎮總兵福智巡哨見面十月三十日又於陝甘交界之白馬關與漢中鎮總兵吳廷剛會合巡查并各據稟稱查得沿邊一帶匪徒斂戢商旅安行地方均極安靜等情臣伏查川楚陝三省邊界自奉

特旨派員巡哨兩年以來匪徒均已安分畏法不敢肆行卽南山一帶深林密箐之中奸宄亦無從匿跡鄉民當秋穫之後比戶恬熙無不安居樂業是巡哨

已有成效臣仍與提臣楊遇春嚴諭各鎮將隨時實力巡查毋因會哨已竣稍有懈弛以期仰副聖主綏靖邊氓安益求安之至意謹

奏奉

硃批朕聞四川川北山內又有習教之人汝應派幹員密訪核實具奏

嘉慶十七年正月初五日

奏臣前奏遵

旨派委各鎮總兵與川楚二省巡哨邊界一摺欽奉

硃批朕聞四川川北山內又有習教之人汝應派幹員密

訪核實具奏欽此

臣

查近年以來川陝楚三省匪徒歛

迹地方實已安靜惟幅員遼濶山徑紛歧深林密
箐之中宵小易於潛匿川北保寧府屬爲棧道入
境要區蠶叢鳥道尤易藏奸雖不敢肆行搶場傷
人而風竊狗偷在所不免此不獨川北爲然卽陝
西之漢中府甘肅之秦階二州所屬情形大概相
同

臣

身任封圻凜遵

聖訓時時察訪情形刻刻以戢暴安良爲念所有川北沿
邊一帶疊經嚴飭文武實力稽查并常派幹弁改
裝易服密赴查訪卽上冬會哨事竣亦不令鎮將

稍有懈忽其南山結竊匪犯分別繫帶鐵杆之處
亦經川陝甘三省奏明一律奉行總期小懲大誡
以靖閭閻有犯必獲斷不使奸宄得以匿跡茲復
欽奉

硃批仰見

睿慮周詳臣當復密派熟悉川北道路情形之員弁馳赴
該處嚴密訪查如果有不法習教之徒自當無分
畛域會同川省嚴拏究辦以仰副

聖主綏靖邊疆至意再查上年陝西漢中各屬秋收雖止
六分有餘而入冬以後雪澤霑足春田可卜豐收

甘省秦階各屬上年秋收成熟約計七八九分不
等冬令雪澤頻霑亦與春耕有裨地方均極寧謐
堪以仰副

聖懷謹

奏奉

硃批覽

嘉慶十七年四月十六日

奏臣前奉

硃批朕聞四川川北山內又有習教之人汝應派幹員密
訪核實具奏欽此當將欽遵辦理緣由先行奏蒙

聖鑒查川北一帶山徑紛歧必須熟悉該處道路情形及
明幹可信之員方可查辦得實臣隨派出遊擊前
福都司顧應全王英千把總唐俸張成龍復密與
提臣楊遇春及漢中陝安二鎮札商派出都司蔡
文瑾把總王國輔周福劉明周毛貴等改裝易服
由陝甘分投入川密切查訪去後嗣據陸續稟覆
前來查得陝省地方與川省交界之漢中興安二
府民情俱各安靜漢中山內上年包穀歉收今春
已奉

恩旨賞給口糧民食有資春令得有時雨麥苗亦已長發

其山內無賴貧民向大戶強借糧食及外來遊蕩
客民糾竊賊犯均經文武嚴拏隨時懲治漢中陝
安二鎮沿邊巡哨均屬認真匪徒不敢竄匿其川
北一帶通江巴州等處年歲豐收民皆安堵惟廣
安岳池大竹鄰水及昭化劍州蒼溪各屬上年秋
收歉薄饑民較多亦有強借糧食之事該處文員
業已開廠施粥春雨應時禾苗暢茂人情稍安可
不致滋生事端至川東北向有天主教信善教名
目天主教順慶府屬爲多信善教保寧府屬爲多
其名目傳聞已久密爲躡訪此時山內實無習教

之徒又去冬四川督臣常明巡閱川北曾委該鎮
總兵桂涵於儀隴縣山內拏獲鄭姓黑大王一案
係恃險窩藏竊劫首夥各犯亦非習教匪徒該省
文武現在巡緝亦嚴不致疎懈惟聞川東重慶府
屬之巴縣合州涪州各屬有鹽梟挾仇糾夥拆毀
鹽店之事業經拏獲解省川東一帶亦無另有習
教之徒各等語臣查核各處稟報及遊擊蘭福等
回省面稟均屬相同且各員均係親歷川陝山內
密切偵探似無捏飾再查都司顧應全前因投誠
授職其於教匪首夥多有熟識現據密稟從前已

經剿滅之各首逆均係川東北人其家屬夥黨有盡被誅戮者有投出及逃散者良莠不齊內投出之偽元帥張長庚王國賢二名仍在雲陽太平本籍務農度日查此二人從前係傳教爲首現復密赴該處左近再加確探等語除俟該都司續稟到日另再奏

殊

殊屬多

聞外此次非委員親身窮歷山險不能得其底裏臣因不敢輕於相信是以覆奏稍遲再此外并據興安府知府葉世倬稟稱石泉令李輝陽籍隸四川南江與川北之巴州等處交界該令深知川北現在安

靜實不聞另有習教之人言之甚切又據陝西藩司朱勲稟稱有川省起復知州向淮進京過陝經該司密詢川省實無習教匪徒惟川東鹽梟犯案是實核對臣所訪情形並無歧異合併陳明至陝甘接壤四川處所臣仍督飭文武嚴密巡緝斷不令匪徒潛跡以靖閭閻謹

奏

嘉慶十七年五月初六日軍機大臣字寄奉

上諭據彭彥成奏訪查川北川東並無習教匪徒又據都司顧應全稟稱從前投誠之張長庚王國賢二名在雲

陽太平本籍務農現復密赴該處左近再加確探等語
所辦殊屬多事前因聞川北山內又有習教之人該處
與陝甘接壤是以諭令祁彥斌遴派幹員密往訪查倘
果有此等匪徒祁彥斌自當據實奏聞朕另行降旨交
常明查辦及訪明川北並無習教之人卽應一面覆奏
一面將派去之員撤回至川東一帶距陝甘地方遙遠
卽不應委員前往其張長庚王國賢二人久經投誠各
在本籍務農並未聞有傳教滋事之處該督何得率聽
顧應全稟詞任其潛赴鄰省查探實屬越俎祁彥斌著
傳旨申飭接奉諭旨卽將都司顧應全速行撤回倘該

都司欲實其言將張長庚王國賢兩賊或與挾有夙嫌
激成事端不但將該都司從重治罪恐邵彥成不能當
此重咎也

嘉慶十七年四月十六日

奏固原提臣楊遇春上年奏請

陞見欽奉

硃批令於本年夏間再奏茲臣接准該提督兩稱現在屆
期擬卽具奏臣伏思該提督瞻

覲情殷白應遵

旨奏請近來陝甘兩省地方均屬靖謐營伍亦漸有起色

該提督別無緊要應辦事件正可交卸進京惟是
漢中山內乏食貧民飭奉

恩旨賞給口糧現甫散放完竣查山內均係四川湖廣各
省客民零星襍處良莠不齊兼之深山老林匪徒
最易潛踪拾竊不能盡絕又山內無賴貧民每向
有糧之戶羣聚強借索擾此則陝甘兩省風氣皆
同全在地方文武實力查禁以靖閭閻臣雖已飭
委訪拏隨時護究但地方遼闊山徑分歧現值禾
苗在地正青黃不接之時彈壓撫綏亦關緊要楊
遇春久歷戎行於南山一帶情形尤爲熟悉臣已

節次札致該提督督率營員會同文員認真巡察
所有該提督應行展

觀之處可否暫緩俟本年秋收後再由該提督自行具奏
請

旨恭候

聖裁謹

奏奉

硃批甚是

嘉慶十七年五月二十九日

奏_臣前奉

硃批飭委都司顧應全密赴川北查訪有無習教匪徒當
經將查明情形據實覆

奏茲承准

廷寄奉

旨申飭以臣訪明川北並無習教之人卽應將派去之員
撤回至川東距陝甘遙遠不應委員前往令將都
司顧應全速行撤回等因臣接奉之下曷勝欽佩
感悚查臣前次拜摺後卽接顧應全具稟所到地
方俱皆安靜並無習教匪徒等語臣先經飭令迅
速回營現據稟報已於五月初二日回營謹

奏奉

硃批覽

嘉慶十七年十二月初五日

奏爲派委各鎮總兵巡哨邊界及地方靖謐情形恭摺
奏

聞事竊照嘉慶十五年欽奉

上諭嗣後川楚陝三省每年輪派提鎮於邊界徧歷周查
每巡哨一次卽行具奏欽此當經遵辦在案茲於本年

秋間

臣

先經移咨鄰省派出各鎮總兵前赴邊界

分投巡哨現據漢中鎮總兵吳廷剛稟報九月三

十日在於川陝交界之溪渡壩與四川川北鎮總兵桂涵巡哨見面又據陝安鎮總兵祝廷彪稟報十月初六日在於陝楚交界之蓮花寺與湖北宜昌鎮總兵蕭福祿巡哨見面又據河州鎮總兵富明阿稟報十月二十日在於川甘交界之哈南寨馬尾墩與四川松潘鎮總兵福智巡哨見面十月三十日又於陝甘交界之白馬關與漢中鎮總兵吳廷剛會合巡查並各據稟稱查得沿邊一帶匪徒斂戢商旅安行地方均極安靜等情臣復查川楚陝三省邊界自奉

特旨派員巡哨三載以來匪徒均已安分畏法不敢肆行
卽南山一帶深林密箐之中奸宄亦無從匿跡鄉
民當秋穫之後比戶恬熙無不安居樂業是巡哨
已有成效臣仍與提臣楊遇春嚴諭各鎮將隨時
實力巡查毋因會哨已竣稍有懈弛以期仰副
聖主綏靖邊氓安益求安之至意謹

奏奉

硃批此事唯求一實字耳

改建營制

嘉慶十五年八月十八日會同固原提督楊公遇

春

奏爲遵

旨籌議西安軍標綠營官兵改隸事宜恭摺奏

聞事竊臣於七月初六日欽奉

上諭勒保奏請將西安軍標綠營兵丁分撥改隸一摺據
稱西安綠營馬步戰守兵共三千四百餘名其隸撫標
左右兩營者一千九十一名隸提標城守營者三百五
十八名隸軍標中左右三營者二千四十名將軍本管

滿營爲數較多事務繁劇其於軍標不能全力專注請將軍標裁撤改隸撫標提標城守各營既有撫臣提臣專管又有督臣統轄並移設裁減副叅各缺等語軍標三營向隸將軍專管此時應否分撥改隸之處着將勒保原摺抄寄那彥成酌量情形並就近咨商將軍提督集思廣益悉心妥議俟奏到時再令部臣核議總期於營制操防均有裨益方爲妥善欽此

臣

那彥成卽咨商

署西安將軍

臣

富僧德並知會固原提督適

臣楊

遇春順閱營汛前來蘭州當面悉心籌議查此項兵丁原隸西安提標乾隆四十六年因逆回滋事

經前任大學士臣阿桂等請將提督移駐固原所
存提標兵丁另設西安鎮總兵一員專司操演兼
轄附近營汛嗣經軍機大臣兵部會議設立軍標
中左右三營卽令西安將軍管轄與滿洲兵就近
一體訓練原議係照四川成都將軍兼轄漢兵之
例竊查四川松潘建昌二鎮道係將軍所轄每歲
須派兵巡查且與總督同城軍標督標一同操演
遇事亦隨時商辦今陝省並無將軍專轄地方總
督又遠在甘省設遇緩急差遣此二千餘名之兵
撫提不便派調竟似置之閑散且西安將軍所管

滿營兵多事繁於綠營訓練各事宜既不能全力
專注而該兵丁恃係將軍所轄難保無驕縱滋事
之處遇有兵民交涉事件營員與地方官辦理每
多掣肘勒保所奏恐致日久廢弛難於整飭誠爲
實在情形臣等再四籌維西安省會重地必須重
兵防衛未便擅擬裁撤若歸提標則控馭太遠歸
撫標則巡撫事務繁劇不能專意訓練若分隸提
撫各營在別營所增之兵有限而此一全營勁兵
轉致分散遇事亦不能得力謹擬仍照乾隆四十
六年前任大學士臣阿桂原奏將西安軍標副將

改爲西安鎮總兵所有軍標中左右三營改歸鎮
標管轄並省城以東潼關神道嶺商州金鎮富平
宜君等六營亦歸該鎮管轄就近調遣况南山平
靖未久鎮撫均關緊要今西南有漢中鎮東南有
陝安鎮正北又有西安鎮三鎮相爲犄角聲威益
壯氣勢互相連絡與通省亦大有裨益至鎮標各
官其鎮標中營遊擊及中營守備卽以軍標左營
遊擊守備移設鎮標左營遊擊卽以軍標右營遊
擊移設鎮標左營中軍守備查有延綏鎮屬塞
堡地處偏僻額兵無多擬以該堡守備移設仍將

延綏屬之清平堡把總移駐寧塞堡作爲汛地鎮
標右營擬收都司卽以軍標中營都司移設其三
營千把外委仍各照舊分設惟於左營裁千總一
員右營裁把總一員移撥提屬西安城守營鎮標
三營每營擬設兵六百名共兵一千八百名合之
所屬潼關等六營計標路共兵三千五百八十名
足敷調遣尙餘兵二百四十名應請裁去四十名
將二百名移撥提屬西安城守營以資汛守防範
並供一切差遣其西安鎮屬標路各營兵馬錢糧
各事宜悉由該鎮總兵查核轉掛歸固原提督兼

轄陝甘總督統轄並聽西安巡撫節制如此量爲
改移止將軍標改爲提屬諸事不必更張而省會
重地營伍訓練既有專司於彈壓稽查較爲得力
歸巡撫節制有事亦可調遣至西安原有提督衙
署卽改爲總兵衙署其餘將備均有舊設衙署毋
庸動項興修所有副將改設總兵一員應需俸廉
馬乾等項以所裁副將俸廉馬乾及四十名馬步
兵銀糧核計亦屬有贏無絀如此一轉移間則兵
丁胥歸實用於營制操防均有裨益如蒙

俞允所有移設鎮標將備千把員容

臣

等再行會同在於

陝甘各營揀察諸練安幹之人屆期

臣

等俱親至

西安省城調撥安置以肅戎行其餘未盡事宜俟

命下之日另行妥議辦理所有

臣

等面議緣由並復經往

返札商署將軍

臣

富僧德均意見相同謹

奏奉

硃批兵部議奏

嘉慶十六年六月初三日會同固原提督楊公遇

春

奏爲西安軍標改鎮事宜章程已定謹將查看大概情

形奏明

聖鑒事竊臣遵

旨議奏西安軍標綠營兵丁改隸撫提另設總兵一員專司操演兼轄附近營汛一案條款章程業經奉部覆准轉飭藩司朱勲及新任總兵楊芳遵照辦理其改設遊擊都司守備各員定爲題缺并官兵歲需俸餉糧料公費及撥給衙署添鑄印信等項亦經分晰具

題在案

臣

本擬俟全案布置完竣與提

臣

楊遇春親赴

西安會同查看本年春夏之間楊遇春正在赴陝因鹽茶一帶有需彈壓是以中止此次臣道經固

原面晤

臣

楊遇春知軍標改鎮以來章程業已大

定及行抵西安就近查看所有改設營制氣象一

新惟查此項綠營舊兵前隸滿營撫提兩

臣

不便

調派兼因將軍管轄駐防滿兵爲數本多於此項

綠營兵丁操演難以全力專注致以有用之兵置

之閑散之地兵丁因惰而驕實不免於廢弛今雖

改隸新鎮而一時習氣未除亟應嚴加整飭其改

隸鎮標之將備等多有不堪任使者

臣

現與楊遇

春逐加斟酌於別營將備中量爲更調倘實在怠

玩不職者亦卽據實嚴叅遊員另補不敢稍有姑

息至新任總兵楊芳於陝省地方營伍極爲熟練
該鎮仰荷

聖恩調任以後一切布置井井有條而軍令嚴明察看所
管將弁兵丁咸知感畏臣仍諄囑其督率操防實
力整頓務令新設營制從此改觀俟臣展

覲回陝時再行順道巡閱分別勸懲總期此項官兵悉成
勁旅以資重鎮而肅戎行謹

奏奉

硃批覽

籌劑營伍

嘉慶十五年十一月初一日

奏爲酌增採買糧價以重兵糈事竊查甘肅邊陲要地
每年估支滿漢各營兵糧爲數甚鉅河東各屬額
徵無多不敷估撥河西糧廣之處又因相距寫遠
腳價浮於糧價礙難撥運是以節年俱經

奏准採買在案現當估撥嘉慶十六年兵糧之期

臣先

經行司查辦去後茲據藩司陳祁詳稱查採買兵
糧向照買補常平缺額之例大路州縣每石不得
過二兩僻路每石不過一兩七錢從前甘省地廣

人稀糧多價賤本已足敷買補近則生齒日繁糧價日貴地方官格於定制採買掣肘卽不能無貼補賠累甚至虧挪別項情事本年各屬夏秋徧被災傷卽勘不成災及附近災區之處收成亦皆歉薄糧價更益增昂現查九月分州縣月報色糧每有每石價銀二兩二三錢至二兩五六錢者若仍照定價採買誠恐地方官藉口虧挪甚或貽悞兵餉所關匪細但各處豐歉不一若竟照時價發買又無以昭限制而杜浮冒應請將此項糧價按買補常平之例每石酌加銀五錢大路以二兩五錢

爲率僻路以二兩二錢爲率如有不敷飭令捐廉貼補其現在市值有較定價平減之處應照時價購買不准加增如遇糧廣價平之年仍卽據實詳明裁減以免弊混等情詳請具

奏前來臣覆查採買兵糧自有定價詎容例外加價惟從前採買係照買補常平之例價一律辦理查常平缺額原可俟年豐糧賤之時從緩採買故例價不妨稍輕至兵糧係計口授食年額必需無論市價貴賤總須採買足數始得按額供支斷不能短少顆粒宕延時日是採買兵糧與買補常平迥不

相同且甘省近年以來生齒日多糧價日貴本年各屬夏秋徧被災傷仰蒙

皇上軫念窮黎不惜百萬

帑金予以賑卹

臣

經節次

奏明煮粥賑饑運糧平糶民情始克安謐但以瘠薄之區值災歉之後糧價日昂若仍照定價發買兵糧核之現在時價不敷太多地方官承辦掣肘不肖者藉口賠累甚至騰挪公項其稍知謹飭者又必畏難宕延甚至貽誤兵精關係均非淺鮮

臣

接據

各屬糧價月報及現在藩司具詳復經密加察訪

均係實在情形委無浮捏伏思

國家經費有常固難稍任虛糜而糧價今昔不同亦應
量爲調劑臣復與藩司陳祁悉心酌核此項採買
兵糧旣未便拘泥定價致多窒礙又未便竟照時
價致無限制酌中定議惟有仰懇

皇上天恩俯准按照買補常平之例每石酌加銀五錢大
路州縣以二兩五錢爲率僻路州縣以二兩二錢
爲率稍有不敷飭令自行貼補妥爲買供其現在
市值尙有照定價平減之處應仍照時價發買不
得因

奏有定數率混加增嗣後冀幸年歲豐收糧廣價平仍
卽隨時

奏明據實刪減庶於體卹之中仍寓撙節之意如蒙

俞允所有十六年兵糧應需一十八萬四千九百石零照
現擬加價價值約共需採買銀四十五萬兩甘省
庫貯無可通融支領並請

勅部照例於鄰近各省酌撥解運俾得妥速辦理臣惟當

督飭藩司及所屬公平採買倘有短價派累等弊
卽行嚴叅究辦以杜弊端事關兵糈要務亟需調
劑不敢不據實具奏謹

奏奉

硃批戶部議奏

嘉慶十六年十一月初五日

奏爲牧廠孳生馬匹馬多廠窄委員勘明請將殘廢者
照例挑變恭摺奏

聞事竊照甘肅提標五營設立馬廠因孳生日多廠地日
窄水草不敷牧放馬駒易致擠傷查嘉慶六年計
存廠馬一萬八千餘匹經前督臣長麟具

奏將不堪孳生兒騾馬三千三百餘匹挑出變價又嘉
慶七年挑變多餘騾馬二千二百餘匹均經奉部

覆准在案茲准提

臣

蒲尙佐咨稱各廠原存馬共

八千二百八十三匹按一兒十騾配搭自嘉慶七
年至今已歷十載節次撥補陝甘各營及循貴番
案軍需缺額外現尙存馬一萬五千七百餘匹較
之嘉慶七年留廠之數多至一倍廠地無可挪展
水草日益不敷其中多有口老不能產駒及碎小
殘廢者應照例挑出變價造具冊結咨請核辦等
情臣隨飭委甘涼道圖勒炳阿前赴各廠查驗無
異并據估定挑變價值詳覆前來臣逐加查核此
次挑出口老及碎小殘廢兒騾馬共三千九百七

十三匹以一二三等分別估價共應變銀五千三百五十六兩零核與嘉慶六年挑變口老碎小殘廢不堪馬價有增無減此項馬匹自應准其交與地方官照例變價俾牧廠可冀疏通馬駒不致傷損亦可減退牧兵歸營差操節省鞴鞋月費變存銀兩仍解司充公其餘存廠馬匹飭令經營營員加意牧放毋任疲乏倒斃並送到冊結咨部查核
謹

奏奉

硃批該部議奏

嘉慶十六年十一月二十二日會同烏魯木齊都統興公奎烏魯木齊提督定公柱

奏爲挑變牧廠孳生馬匹價值屢經部駁飭令會查議奏現在委員驗明酌定價值恭摺覆

奏事竊照古城濟木薩牧馬二廠因馬多廠窄擁擠損

傷節經前督

臣

長齡

臣

和寧等奏請挑變屢奉部

駁本年復經

臣

興奎酌定價值奏奉部議請

旨飭交總督會同烏魯木齊都統提督委員查勘另行定價具奏除備撥屯田卡倫馬匹仍令各營分領帶牧之處已由

臣

興奎查明自行覆奏外

臣

那彥成

卽會同

臣

興奎定柱飭委鎮廵道遇昌前赴牧廠

據實查驗酌定價值去後茲據該道詳稱查得此

項馬匹嘉慶十三年前督

臣

長齡原奏係按存廠

二萬三千餘匹之數除挑留一萬一千匹餘馬全

行變價是以酌定二等變價七兩三等變價六兩

今存留牧好馬一萬一千匹外又挑出備撥營缺

二等馬三千二百六十五匹均係臚壯結實又備

撥屯田卡倫二等馬三千匹其餘剩馬五千九百

四十七匹以三千匹爲三等二千九百四十七匹

爲四等俱係口老疲弱碎小傷殘實屬再三挑剩

不堪留用之馬且距前督臣長齡原奏至今已歷

三年其中擁擠損傷日甚一日斷難照依七兩六兩變價亦不能以五兩四兩出售惟有將三等馬三千匹每匹作價銀四兩交地方官承變四等馬二千九百四十七匹每匹作價銀三兩分交營廠賠補等情造具冊結詳請核辦前來臣那彥成復批令藩司陳祁核覆無異伏查古城濟木薩二廠挑變馬匹自乾隆五十一五十七年及嘉慶十年辦理三次計三等之馬每匹變價三兩四等之馬每匹變價二兩均經奉部覆准此向來辦理定價

也至長齡任內每匹始定價銀七兩六兩較之前
三次例價多寡已屬懸殊其意恐日久弊生以有
用之馬賤價挑變起見但查核原奏報稱與其坐
視疲瘦之後始行變價莫若就現在臚壯時挑變
疏通價值可以稍多等語是時因馬多厰窄急於
疏通而言並未指明該厰二萬三千餘匹之馬俱
屬臚壯且如果全數臚壯當時卽毋庸分別等第
挑變是以和寧改議以五兩四兩定價臣興奎復
請照舊章以三兩二兩定價而兵部初次議駁以
和寧本與長齡會銜具奏不應更改原議二次部

駁以興奎定價不應更有短少在部臣核實辦理
總以此變價馬匹經長齡奏稱俱屬臚壯毋庸減
價等因核與長齡所奏現在臚壯將來疲瘦僅止
空論情形並未將厰馬概指爲臚壯之處亦有不
符且長齡原議挑變馬一萬一千匹此次實止挑
變馬五千九百四十七匹係屬挑而又挑餘剩不
堪之馬委難以七兩六兩定價出售再查買馬例
價僅止八兩口外係產駒之區價值較口內賤甚
况挑變本係餘剩不堪之馬自長齡原奏至今復
歷三年之久厰中擁擠傷殘其視三年前情形又

不相同欲以六七兩變價勢斷不能若必拘泥辦理口外戶民亦必無人承買如勒令照價交官又恐地方官藉詞苛派書役等復累閭閻均有未便此案節次奏奉部駁已經三年若再事遷延更恐下等之馬因疲瘦而致倒斃無從變價且擁擠傷殘轉累及上等之馬於牧廠尤有關礙今臣那彥成委員驗明悉心妥議所有長齡原奏定價六七兩原屬過多而必如興奎三兩二兩之數亦覺過少酌中定價應請照和寧改議將挑出三等馬三千匹每匹定價銀五兩交地方官承變又挑出四

等馬二千九百四十七匹每匹定價銀四兩交營

廠酌量賠補分別交貯道庫報撥充餉如此則比

較乾隆五十一年及嘉慶十年挑變例價

每匹已加增銀二兩而廠地漸可疏通孳馬益臻

蕃庶且承買之戶民經管之牧弁均不致藉口賠

累實與馬政有裨此後再請挑變均照此五兩四

兩定價不得再請議減至存廠馬匹臣等惟當督

飭加意牧放毋任疲乏倒斃仍照奏定章程俟兩

次均齊考成後挑變一次再臣興奎覆奏分撥屯

田卡倫馬三千匹現奉部議准撥馬二千三十二

匹仍留本處牧廠九百六十八匹已分別遵照辦理謹

奏

嘉慶十六年十二月三十日奉

上諭那彥成等奏酌定挑變牧廠孳生馬匹價值一摺古城濟木薩二廠馬匹前經長齡等奏請挑除變價屢經部駁迄今又閱三年遷延日久馬匹益形疲損今那彥成等委員查驗酌中定價著照所請准其將挑出之三等馬每匹定價銀五兩交地方官承變四等馬每匹定價銀四兩交營廠酌量賠補分別交貯道庫報撥充餉

嗣後於兩次均齊考成後挑變一次著照此辦理

嘉慶十六年九月初五日

奏爲漢中鎮屬各營應需騎操馬匹查明甘州提標孳生餘馬無可挑撥請動朋銀就近買補事竊查漢中一鎮本係由宣陝移改嘉慶九年二月先經督臣惠齡於籌補宣陝新鎮軍械馬匹案內請將甘州提標孳生馬內餘馬一千六十二匹撥給宣陝及陝安新營嗣因甘州厰內甫經馴割之馬僅有四百餘匹未及調用隨於是年十一月臣與陝西撫臣方維甸於調劑宣陝新兵案內會同

奏明將該營應立二成馬匹暫行停止借支庫項買地
給兵耕種以資養贍自十一年七月起將節省二
成馬乾銀兩扣繳借項約至十五年冬季全數扣
完所有籌辦緣由均奉

旨准行在案茲查地價一項業已依限扣完其該鎮營二
成馬匹應卽照額補立惟屢據漢中鎮總兵吳廷
剛呈稱漢中地處萬山道路崎嶇甘省羣生馬匹
習慣平坦如山徑馳驟不能得力因地制宜應請
另籌買補等情當飭陝甘兩省藩司確查議覆均
係實在情形且查該鎮營二成馬匹因嘉慶九年

奏准暫緩補立之後所有原議撥用甘廠餘馬一千六十二匹已隨時另撥甘省各鎮營爲補缺馬匹之用均經咨部有案現在甘廠並無孳生餘剩馬匹此外如巴里坤各廠准烏魯木齊都統查覆亦無出羣馴馬可以分撥是甘省廠馬無論其於漢中山徑是否相宜但各廠旣已無可挑撥自應就近由陝買補給兵騎操以資得力而免遲悞查漢中鎮屬十三營應需騎操馬一千二百九十二匹除現存外應補立馬一千六十五匹又漢鳳營原係陝安鎮所轄後撥歸固原提屬應補立馬四

十匹又斜峪關邠縣二汛原係寧陝鎮所轄後撥
歸固原提屬西鳳營除現存外應補立馬三十一
匹以上漢中鎮屬及漢鳳西鳳等營共需馬一千
一百三十六匹每匹例價銀八兩共估需銀九千
八十八兩查陝省朋馬奏銷冊造截至十四年年
底止實存銀一十三萬六千三百八十五兩零足
敷動支茲據陝西藩司朱勳甘肅藩司陳祁會詳
請

奏前來並將漢中鎮各營應補馬匹數目清冊咨送兵
部查核謹

奏奉

硃批該部議奏

嘉慶十七年五月十五日

奏爲查明甘廠餘馬遵照部議先儘撥補恭摺覆

奏事竊照漢中鎮屬及漢鳳西鳳各營共應補立騎操

馬一千一百三十六匹上年經

臣

查奏以甘廠無

馬可撥請動朋銀買補嗣准部覆令查明甘州提

標西寧鎮標巴里坤各廠扣至十六十七兩年出

羣等馬除分撥各營補缺外有無餘剩請

旨辦理經飭甘肅藩司移營查辦去後茲據詳稱查得涼

州鎮巴里坤各廠十六十七兩年出羣驕馬除撥
用外現尚不敷惟甘提標十七年撥補各例之外
尚餘馬三百五十五匹肅州鎮標十五十七兩年
應存出羣馬三百六十八匹西寧鎮標十七年應
存出羣馬一百九十匹以上共存馬九百一十三
匹堪以撥補漢中鎮營騎操之用尚不敷馬二百
二十三匹每匹例價銀八兩共銀一千七百八十
四兩應仍在陝西藩司庫內動用朋銀買補等情
臣復經委員前赴各廠點驗無異此項馬匹自應
卽照該藩司所議分別撥補買補以資騎操除飭

司分晰開報送部查核外恭候

命下卽行欽遵辦理再查甘肅孳生餘馬向係先儘本省
各營例缺補額之需臣先經通飭自十七年春季
爲始如有倒斃俱以餘馬分撥暫緩買補在案今
照部議不得不將各廠現存馬匹先儘撥補漢中
營需但核計陝甘各營十七年一歲共需補缺馬
二千七百八十五匹內除伊犁塔爾巴哈台調解
馬二千匹及巴里坤報解哈密十五年供差剩馬
一百一十四匹分別撥補外尙需馬六百七十一
匹又十八年應需補缺馬三千七十五匹內由伊

翠塔爾巴哈台調解馬一千五百三十八匹外向
需馬一千五百三十七匹爲數仍有不敷不得不
請動朋銀分別買補容俟另行核辦謹

奏奉

硃批兵部議奏

嘉慶十八年三月十六日

奏爲查明陝甘各營缺額馬匹至甘廠各項應得馬數
合計不敷撥補恭摺覆

奏事竊臣上年具奏甘廠餘馬先儘撥補漢中鎮營兵
丁騎操其餘不敷之馬請動朋銀分別買補一摺

嗣准部咨令將甘省各廠截至十七十八兩年六歲出羣駟馬除撥用外現存若干匹計歲駟割馬若干匹存廠配駒兒馬若干匹先行造冊送部並查每年調解伊犁塔爾巴哈台及遺營番貢各項馬與各廠出羣馬合計每歲共應得馬若干匹除撥補漢中各營缺額外是否應需買補之處奏明請

旨辦理經飭甘肅藩司移營查辦議詳去後茲據署藩司德克精阿詳稱查得陝甘各營嘉慶十七年一歲應需合例倒缺馬五千三百六十四匹又漢中等

營應需補立馬一千一百三十六匹共缺額馬六千五百匹查甘省各廠應行出羣駟馬二千五百四十二匹甘涼肅等提鎮應收番貢馬一百三十九匹西寧鎮屬防兵遺營馬六十六匹涼寧西肅河州等鎮營十六年存收撥補十七年春夏二季馬四百三十一匹伊犁塔爾巴哈台撥解馬二千匹哈密不用供差馬三百匹共應得馬五千四百七十八匹除肅州鎮多分伊犁候撥十八年春季額倒合例馬一百三十四匹外其餘馬五千三百四十八匹儘數抵補分撥陝甘各營十七年額倒合

例馬匹並漢中鎮屬各營補立馬匹訖尙不敷陝
甘兩省各營合例馬九百二十九匹漢中鎮屬不
敷馬二百二十三匹其陝甘各營不敷馬匹業經
前司詳議令其照舊由司領價買補咨部在案至
漢中各營前項不敷馬二百二十三匹准該鎮移
稱有派往阿克蘇等處屯防馬兵九十七名應扣
缺造報又扣還地價變價馬一百五十三匹應請
准其抵兌毋庸再爲動項買補又陝甘各營嘉慶
十八年一歲共額例應需合例補缺馬五千三百
六十四匹內除肅州鎮存牧長領十七年伊犁撥

解馬一百三十四匹甘省各廠應行出羣馬一千九百匹應收番貢馬一百三十九匹伊犁塔爾巴哈台撥解馬一千五百三十四匹抵補外尙不敷馬一千六百六十一匹應俟該年應得各項馬匹撥完再令各營照舊領價買補等情臣覆查十七十八兩年調解伊犁塔爾巴哈台並各廠出羣及應收番貢遺營各項應得馬數合計每年均不敷撥補自應卽照該署藩司所議分別抵兌買補以資操騎並將陝甘各營嘉慶十七十八兩年缺額以及甘省各項應得馬數造具細數清冊同甘省各

廠割騾出羣馬匹撤冊送部查核謹

奏奉

硃批兵部議奏

訓練武備

嘉慶十五年三月十二日

奏爲順道查閱兵丁技藝點查軍裝器械事

臣

由南路

吐魯番行走於二月二十八日至哈密地方起卽
係陝甘總督所屬營汛所過之哈密安西沙州金
塔玉門肅州鎮標甘州提標涼州鎮標莊浪協屬
各營軍裝器械應補行製備者俱按款點驗旗幟
尙屬鮮明鐵器觔重內如鍋鋏鋤搬等物務須輕
重足數以符定例惟鳥鎗一項例係六觔半重而
現在舊存者多係不足觔數有四五觔重不等其

鎗身盤製既精準頭亦好分量既輕亦便於攜帶
施放若拘泥成式一律改造轉不能如舊存之堅
利便用遂成廢棄臣俱點驗清楚飭令現有堅好
得用者不須改造內有鎗身不直堂口火門殘缺
者飭令各營各委長於烏鎗將備一二員監造務
期出子遠准頭好卽爲合式竟不必專如定例六
觔半重以致重劣無用與現在尙未製齊各器械
飭令速行製備完日具報一體查驗倘有草率偷
減定行嚴叅辦理各兵技藝均尙可觀內熟練及
生疎者當場立卽分別賞罰懲辦至各官員有年

力衰病技藝生疎不能勝任者容臣抵省後將督標及各標營各員弁陸續考驗再行細加斟酌分晰奏明請

旨辦理謹

奏奉

硃批覽

嘉慶十六年八月十六日

奏爲遵

旨巡閱西安滿營及固原提標各營情形恭摺奏聞事竊照本年大閱之期陝甘二省營伍前奉

欽派

臣

巡閱所有西安滿營及固原提標各營續經

奏定由

臣

閱看茲

臣

自京回至西安隨將滿營官兵親

加校閱查該營兵丁排演大陣馬步整齊進步連環及五子過堂鳥鎗亦俱聯絡每兵十名鎗箭中靶均在二十五箭十五鎗以上弓力均在六力以上馬上技藝亦皆可觀堪以列爲二等又赴固原閱看提標五營兵丁排列陣式及演打連環過堂鳥鎗尤爲整齊聯絡鎗箭中靶均在三十箭二十鎗以上弓力自六力至十一二力不等其餘藤牌及馬上技藝均皆靈便超捷堪列一等其提標所

屬之固原城守營及平涼靜寧各協營堪列二等
至滿營官員弓馬均皆去得而提標將弁弓馬更
爲精熟兵丁亦皆強壯並無老弱充數之人臣擇
其技藝出衆者優加獎賞以示鼓勵稍涉平庸者
當場責處以儆將來仍嚴諭該管營員勒限操演
俾各營兵丁技藝益勵精純以仰副

皇上整肅戎行之至意再西安鎮標二營係由軍標改設
該兵丁舊隸滿營向來廢弛怠惰必須大加整飭
新任總兵閻俊烈係由巴里坤調補急切未能到
任現係撫標中軍叅將達凌阿暫護鎮篆一時未

能整齊除催令閻俊烈趕緊赴任外所有該鎮三營官兵應請俟閻俊烈到任後展限一年臣再往巡閱至西安撫標二營及固原提屬之城守一營向係

奏定章程會同軍標之綠營兵丁合操統俟一年之後同西安鎮營再行一律校閱其餘未閱各營容俟次第辦理臣現在順路閱竣各營兵丁已於本月初十日回抵蘭州謹

奏奉

硃批覽

嘉慶十六年十月二十一日

奏巴里坤鎮總兵圖俊烈調任西安鎮總兵茲該鎮文
仰進省據稟自抵巴里坤以來三年屆限曾經奏
請

陛見於上年正月奉到

硃批汝雖總兵與新疆辦事大臣同向無奏請之事不准
來亦不准請俟調至內地再奏請欽此今擬俟抵西安
調任後再行請

觀等語

臣

查圖俊烈陳請

陛見自係照例遵行惟西安營制維新且向來習氣甚壞

奏奉 聖鑒 謹
觀伏祈
再行具摺請
烈於到任一二年後將營伍一切事宜料理妥協
達凌阿職分較卑不足以資整飭應請飭令閭俊
丞應嚴加整頓現在暫護鎮篆係撫標中軍叅將

聖鑒謹

奏奉

硃批甚是

嘉慶十七年九月初三日

奏爲巡閱河州鎮標及營標各營伍情形恭摺奏

聞事竊照上年奉

旨大閱營伍

臣

曾將閱過西安滿營及固原提標各營情

形奏

聞在案嗣因藩司陳祁進京

陛見臬司積朗阿赴晉查辦吉蘭泰鹽務

臣

又因核辦秋

審及奏銷等事未能出省巡閱茲於八月二十五

日前赴河州當將鎮標左右城守三營官兵詳加

校閱該三營排列大陣馬步整齊進步連環五子

過堂鳥鎗亦極聯絡每兵十名鎗箭中靶均在四

十箭二十五鎗以上弓力自六力至十二四力不

等鎗箭準頭俱好將弁中多有中至四五箭者其餘兵丁藤牌及馬上技藝均皆靈便超捷堪以列爲一等又鎮屬之洮岷舊洮岷州西固階州文縣鞏昌循化保安臨洮各營堪以列爲二等臣擇其技藝出衆者優加獎賞以示鼓勵其稍涉平庸者當場責處以儆將來至軍械俱皆堅利馬匹一律臚壯公項並無虧缺臣校閱事竣於九月初二日回抵蘭州省城卽將督標五營及蘭州城守營復加親閱各營官兵排列陣式及演打連環過堂烏鎗均屬整齊聯絡鎗箭中靶以及馬上技藝亦皆

馴熟可觀堪列一等至將弁兵丁弓馬技藝臣自到任以來按三六九日期在署內箭道親自教演寒暑從無間斷并當場分別賞罰懲勸並施是以不待大閱各官兵技藝均能一律整齊堪以仰副皇上整肅戎行之至意謹

奏奉

硃批覽

嘉慶十八年八月初三日

奏爲巡閱西寧鎮標營伍情形恭摺奏

聞事竊臣

於七月二十日行抵西寧卽將鎮標五營并城

守營暨鎮屬之大通協各營官兵次第校閱其排
演大陣馬步整齊進步連環及五子過堂鳥鎗俱
皆連絡鎗箭中靶在三十箭二十鎗以上弓力自
六力至十一二力不等藤牌及馬上技藝亦皆嫻
熟可觀兵丁精銳並無老弱充數馬匹器械亦俱
應壯堅利堪以列爲一等臣擇其技藝出衆者優
加獎賞以示鼓勵稍涉平常者當場嚴加責處仍
諄諭該鎮特依順保嗣後務須勤加訓練不得久
而生懈以仰副

聖主整肅戎行之至意再蘭州至西寧一帶晚禾一律暢

茂皆由本年雨澤勻調豐收可卜民番樂業四野
恬熙洵堪仰慰

聖懷謹

奏奉

硃批欣慰覽之

嘉慶十八年八月初三日

奏_臣仰荷

天恩自到任以來於營伍操防認真辦理所有督標五營
官兵自去年至今各項技藝始覺少有可觀_臣上
年巡閱河州現在閱及西寧察看該二鎮官兵弓

馬雖好弓力大半在八力十力以上惟準頭撒放
尙少功夫及長矛與排鎗俱不及督標之熟練而
河州鎮之馬上技藝及陣式西寧鎮之馬上排鎗
連環藤牌陣式則較督標爲勝臣閱看之下卽當
面獎勵各相勸誠督標則再勤習馬鎗連環藤牌
馬上技藝河州西寧則令二鎮勤習弓箭長矛排
鎗務令一律精純毋致懈弛至該二鎮距省較近
雖因臣時常稽查調考亦實由富明阿特依順保
二員平日不敢貪圖安逸操練認真臣受

恩督辦兩省營伍所有屬員勤惰自應據實奏

聞此外固原甘州兩提標操練亦極上緊各鎮亦均知觀

感統容臣次第查較再行具

奏謹

奏奉

硃批邊疆重地武備宜修勉之

嘉慶十八年八月十六日

奏爲巡閱涼州滿營情形恭摺奏

聞事竊

臣

閱過西寧鎮標營伍情形曾經具奏在案嗣由

西寧起程先後行抵莊浪涼州次第將莊浪滿營
及涼州滿營官兵親加校閱該二營排演陣式均

屬整齊進步連環及五子過堂鳥鎗等項亦俱聯
絡如式弓力六力八力不等每兵十名鎗箭中靶
約在二十五箭十五鎗之上至鳥鎗甚好步箭準
頭撒放亦有功夫惟馬箭稍軟因駐防滿營平日
馬上差使較少是以馬箭尚須熟練其餘技藝俱
有可觀堪以列爲二等除擇其優劣當場分別勸
懲外臣並面告副都統穆克登布以滿兵以馬上
是爲最重務須隨時嚴督官兵勤加訓練以仰副
聖主整肅駐防慎重邊陲之至意再臣經過涼州所屬之
武威古浪平番一帶秋禾稌糧一律茂盛豐收在

卽民氣恬熙堪以仰慰

聖懷謹

奏奉

硃批知道了

嘉慶十八年八月十六日

奏查涼州鎮標綠營官兵先經

奏明會同提督滿尙佐閱視完竣業已奏蒙

聖鑒

臣

現於較閱滿營之便就近挑選官兵閱其弓馬技

藝均皆練習如式較之河州西寧兩鎮綠營官兵
不相上下其鎗箭功夫約有十之六七

臣

復諄諭

該鎮馬元嗣後尤須勤加訓練益勵精純不得稍有懈怠現在提督蒲尙佐業已

陛見回任

臣

於涼州接晤並囑其實力整飭共相勉勵謹

奏奉

硃批覽

容安謹按

先公由翰林入仕而武備尤素

所講求前任陝督日事訓練陝甘兵氣至此始
加振奮正在磨礪猝有十八年滑匪之役故得
兵精將良掃穴擒渠仰見先公思患預防
而兵備固治於無事之日也

那文毅公二任陝甘總督奏議卷二十五

那文毅公二任陝甘總督奏議

卷二十五

集